



Inatsisartuni ilaasortat

UPA 2016/51-ip siullermeerneqarnerani apeqquteqaatinut akissuteqaat

Brevdato: 11-05-2016
Sags nr.2016 - 5732
Dok. nr. 10193805

Inatsisartut 21. april 2016-imi suliaaraat:

*Illumik pisinermut atatillugu illup qanoq innera pillugu naliliinermik sanasoqartalernissaanut inatsisitigut piunasaqaateqartalernissamut atatillugu aningaasatigut iluaqutissanik ajoqutaasunillu misissuisoqarnissaa pillugu kiisalu illumik pisinermut atatillugu illut nukimmik atuisarnerat pillugu nalunaaqutsiisarnissap inatsisitigut piunasaqaataalernissaanut atatillugu misissuisoqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut. Aamma misissuinermi ilanngullugu paasiniaqquneqarpoq sillimmasiisarfii piginnittut nikiinneranni suleqataanissaminut piunasaqaatigisinnaasaat kissaataallu. Misissuinerup innera Inatsisartunut agguanneqassaaq 2017-imi ulloq 1. januaari tikitsinnagu.
(Inatsisartuni ilaasortaqa Justus Hansen, Demokraatit)*

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Immikkoortup suiarineqarnerani Inatsisartuni ilaasortaqa Anthon Frederiksen, Partii Naleraq, pigisanik aalaakkaasunik niueruteqarneq pillugu inatsimmut nutaamut suliat piareersaataasut sumut killinnersut apeqqutigaa, tak. 2012-imi upernaakkut (UKA 2012/66) aamma 2010-mi upernaakkut (UPA 2010/35) Inatsisartut aalajangiinerat.

Naalakkersuisut sinnerlugit imaattumik ilisimatitsisinnaavunga:

UPA 2010-mi Inatsisartut imm. 35-p ataani "Kalaallit Nunaanni inatsimmik maleruagassanillu paasiuminartunik, pigisanik aalaakkaasunik immikkut maleruagassiuffiusunik suliaqartoqarnissaanik Inatsisartut aalajangiiffigisassaattut siunnersuut" suliaaraat. Attaveqarnermut Ineqarnermullu Ataatsimiititaliap isumaqatigiissup akuersinissamik innersuussititalerlugu isumaliutissiissutaa tunngavigalugu, siunnersuut Inatsisartuni akuerineqarpoq.

UPA 2012-imi Inatsisartut imm. 66-ip ataani Inatsisartut aalajangiiffigisassaattut siunnersuut, maanna siunnersuutaasumut, ataatsimiinnermi matumani suliarineqartumut assingupajaartoq suliaaraat, tak. oqaluuserisassani imm. 51. Sanaartornermut Avatangiisinullu Ataatsimiititaliap isumaqatigiissup isumaliutissiissutaa tunngavigalugu siunnersuut Inatsisartuni akuerineqarpoq.

Kisiannili 2013-imi aasakkut Inatsisartunut qinersisoqartussanngormat, inatsisiliassanut piareersaatit misissuinerillu suli naammassineqanngitsut unitsikkallarnerput.

Erseqqissaatigineqassaaq, taamani Naalakkersuisuusut UPA 2010-mi Inatsisartuni suliaqarnermi erseqqissaatigimmassuk, pigisanik aalaakkaasunik niueruteqarneq

pisariusuusooq, taamatullu UPA 2012-imi isumaqatiginninniarnerni
erseqqissaatigineqarpoq, illunik misissuisarnermut aqqissuussinerit illullu nukissiuutini
atuinerinik nalunaarsuisarneq suliassanik annertuunik pisariusunillu imaqartut.
Taamaattumik inatsisissatut siunnersuusiornissaq sioqqullugu eqqarsarluaqqaarnissaq
naatsorsuutigineqartariaqarpoq, aammalu misissueqqissaarnerit misissuinerillu
annertuut pisariaqartussaapput.

Taamani Naalakkersuisuusut pineqartunut akissuteqaataat, kiisalu isumaliutissiissutit
saqqummiunneqartut innersuussutigineqarput.

Inussiarnersumik inuulluaqqusillunga

Knud Kristiansen